

經史避名彙考

經史避名彙考卷二十九

海寧周廣業耕厓

戚畹

莽號大邦姜稱元舅推崇外戚此其昉矣自後申伯皇
父得失效殊寵任之權慎之固在已也漢興外戚與定
天下侯者三人后父據春褒紀之教美帝舅緣大雅申伯
之恩故史記特著世家班書以來類有專傳梁古創之
通表上真
本漢書云今本外戚在西域後方本外戚
次帝紀下諸王悉次外戚下在陳項傳前觀夫呂霍誅
夷於西漢梁鄧勦絕於東都視竇長君少君之退讓君
子何如也略舉稱謂足寓勸懲

周

太公望

呂尚姓姜氏從其封姓故曰呂尚

史記

名牙

此說

或曰

字牙

史記

武王后太姜父也詩文王篇維師尚父正義劉

向別錄曰師之尚之父之故曰師尚父太誓注云文王得

呂尚立為太師號為尚父尊之史世家云太公望呂尚則

尚本是名號之曰望而維師謀曰呂尚釣厓注云尚名也

又曰望公七年呂立變名注云變名為望蓋曰所呼之號

遂以為名以其道可尊尚又取本名為號也孫子兵法曰

周之興也呂牙在殷則牙又是名字也廣業案太公之事

在詩則時維鷹揚在孟子則海濱歸養見而知之如此而

已陰謀兵法諸書皆戰國人偽託且并其名字傳會之如
所云太公望子久矣故號太公望之類乃極可鄙司馬錄
之於史非也竊謂師尚父者師其官尚其名父音甫男子
美稱加父明不敢斥名也太公望者字望而尊稱為太公
也太公元勳長戚為齊太祖其薨也特加太以別於他國
乃異數也後田和僭竊亦稱太公正用此例至漢高祖父
遂生稱太公矣使如史所云則太公為文王之祖父人安
有以祖父號其臣者乎逸周書王會解內臺西面有伯舅
中舅注二舅成王之舅姜兄弟也知為太子之子矣

案太公立功周室不因外戚奉西面實曰師臣惟是申

呂匡周昔人所稱且自邑姜思嬪以來天子納后王姬下嫁與齊世為婚姻而甥舅之禮實始於此故首列之

申伯宣王舅詩崧高篇首曰維嶽降神生甫及申維申及甫

為周之翰中凡言申伯者十有七末乃言吉甫作誦爵申

伯而字吉甫所以尊王之元舅也若烝民雖亦言吉甫作

誦而其前已屢稱仲山甫矣韓侯娶汾王之甥蹶父之子

故亦不稱字而曰蹶父正義謂蹶父是氏也十月之交篇序云刺幽王

也正義云皇父家伯仲允與后同姓刺者蹶蹶后氏外親也后即褒姒

紀侯桓王后父春秋桓九年紀季姜歸於京師杜注云季字

姜紀姓也書字者申父母之尊白虎通曰春秋言紀侯來

朝紀子無他功以其子為天王后故增爵稱侯明其尊所
不臣也廣業案隱二年紀子伯莒子盟於密公羊以為無
聞穀梁傳紀子伯莒子而與之盟注伯長也言紀子以莒
子為伯是子為爵左伯作帛注子帛案繻字也說各不同
至桓六年經兩書紀侯公穀無聞傳左但言紀侯來朝請王
命以求成於齊公告不能白虎通蓋據穀梁始稱子後稱
侯也春秋於逝后及歸必謹書之侯夫人亦然所謂取於
異姓以附遠厚別也僖二十五年宋殺其大夫文七年宋
人殺其大夫八年宋人殺其大夫司馬宋司城來奔皆不
名而舉官公羊皆以為宋三世無大夫三世內娶也何休

謂妃當一爭權相殺朝廷久空左穀並無此說公羊當別有據也

漢

呂文字叔平高后父封臨泗侯後后追諡宣王史記高紀稱為呂

公崔浩云史失其名但舉姓而書公相經名文后長兄周

呂侯澤追諡悼武王史亦不名盖后僭號時二人皆前死故尊

諱之若次兄釋之則書名史外戚世家竇太后兄但曰長

君建名弟曰廣國字少君以景帝立時長君亦前死也

王仲景帝后父封共侯仲死妻臧兒嫁為金玉孫婦生女俗

武帝迎之號脩成君生男號脩成子仲褚少孫補史記外漢書外戚傳

孫與外祖同名索隱以為非也

竇嬰字王孫孝文后從兄景帝三年吳楚反召嬰入見因辭

謝病上曰天下方有急王孫寧可以讓耶拜為大將軍七

國平封魏其侯桃侯

劉舍

免相竇太后數言魏其侯帝曰太

后豈以為臣有愛不相魏其魏其者沾沾自喜耳多易難

以為相持重遂不用

史記本傳

廣業案帝先稱其字曰王孫後

稱其爵曰魏其皆尊諱其名也史本傳及田蚡灌夫傳

皆稱魏其而不名

田蚡景帝后母弟孝武以舅封武安侯為丞相用事驕貴與

故太尉灌夫

字仲孺

有隙會蚡取燕王女為夫人太后詔召

列侯宗室往賀魏其侯竇嬰疆與俱夫行酒至蚡膝席
曰不能滿觴夫怒因嘻笑曰將軍貴人也畢之時蚡不肯
行酒次至臨汝侯灌賢賢方與程不識耳語又不避席夫
無所發怒乃罵賢曰平生毀程不識不值一錢今日長者
為壽廼效女曹兒咕囁耳語蚡謂夫曰程李俱東西宮衛
尉李廣為未央衛尉程不識為長樂衛尉今衆辱程將軍仲孺獨不為李將
軍地乎夫曰今日斬頭穴匈何如程李蚡遂召長史劾灌
夫罵坐不敬論死魏其侯䟽救皆棄市既而武安侯病專
呼服謝罪使巫視鬼者見魏其灌夫共守欲殺之竟死夫記

衛青字仲卿武帝后弟破匈奴封長平侯為大將軍尚平陽公主東坡志林曰西京俗尚諂媚司馬遷至伉儷然作衛青傳不名但謂之大將軍

附董偃武帝姑館陶公主幸臣也主為竇太后女號竇太主年十五餘寡居以偃姣好留第中出則執轡入則侍內以主故諸公接之名稱城中號曰董君後上臨幸主第曰願謁主人翁主乃引董君伏謁主贊曰館陶公主胞人臣偃昧死再拜謁上詔賜衣冠主自奉食進觴是時董君見尊不名稱為主翁飲大驪樂於是董君貴寵天下莫不聞年三十而終後與主合葬霸陵

漢書東方朔傳

案偃私事漢主不得入戚畹然公主既引之入侍帝亦呼主人翁而不名死且合葬則已儼然配偶矣史稱是後主公貴人多踰禮制自董偃始特附於此以示戒也
許廣漢宣帝后父封平恩侯漢書稱為許伯通鑑注稱伯蓋尊之五行志元皇后曾祖父平陵王伯師古曰莽高祖名遂字伯紀此曰伯者猶許伯之之稱尊云也又褚少孫補建元以來侯表有博望侯許中翁名舜樂平侯許翁名孫壽皆廣漢弟不書其名

霍光字子孟宣帝后父封博陸侯漢書宣帝紀地節二年詔曰大司馬大將軍博陸侯宿衛孝武皇帝三十餘年師

古注尊之故不名蘇武傳宣帝思股肱之義乃圖畫其人
麒麟閣署其官爵姓名唯霍光不名曰大將軍博陸侯姓
霍氏廣業案楊子法言如石太僕度金將軍日張衛將軍
安世邴大夫吉李貳師利田廣祁連明韓馮翊延趙京兆廣等
皆舉官獨重黎篇稱霍光但舉姓孝至篇稱莽曰漢公則
并不敢舉姓矣

王禁字稚君孝元皇后父莽之祖也封平陽侯莽追尊為王
三輔黃圖漢宮中謂之禁中謂宮中門閣有禁非侍御通
籍之臣不得妄入行道豹尾中亦視禁中至孝元后父名
禁避之改曰省中省察也言出入禁中皆當省察不可妄

也通鑑桓帝元嘉元年大將軍梁冀傳制家訓或問何故

入省注省即禁中也如宮省門之類

以省代禁答曰周禮宮正掌王宮之戒令糾禁鄭注糾猶
割也察也李登云省察也其處常有禁衛省察故以省代
禁語類問中書省門下省省字何義曰省即禁也舊謂之
禁避元后父諱遂改為省廣業案今天下分十六省者沿
元行中書省之名也而不知其原乃起於避后父諱

馮萬金孝成趙皇后父飛燕外傳云父馮萬金通江都中

尉趙曼妻姑蘇主而生案書錄解題稱外傳為漢河東

都尉伶元撰元字子于自言與楊雄同時而史無所見或

云偽書傳言萬金產二女長宜主次合德又言飛燕加大

號姚好合德奏書于后曰天物交暢貴人姊及此令吉光
登正位為先人休不堪喜豫謹奏上二十六物時萬金已
死故言先人乃其物有駕齋萬金錦一匹又何不識家諱
耶又其前飛燕曰吾內視三肉肌盈實矣又言昭儀覽巾
使微燭俱犯本朝帝諱晁氏讀書志云王莽之亂劉棻得
之傳於世晉荀勗校上必偽書也又西京雜記載飛燕為
后其女弟獻歲三十五條有駕齋繡駕齋被駕齋褥無駕
齋萬金錦餘物亦絕不同

王莽孝平皇后父封安漢公 漢書傳元始三年太后將納
莽女信鄉侯終上言春秋天子將娶於紀則褒紀子稱侯

安漢公國未稱古制事下有司皆曰古者天子封后父百里尊而不臣重宗廟孝之至也終言應禮可許請益封莽百里辭四年莽女立為后采伊尹周公稱號加公阿衡位在諸侯王上三公言事稱敢言羣下毋得與公同名

梁冀字孟卓順帝后兄乘氏侯拜大將軍元嘉初桓帝以冀有援立之功議加殊典有司奏謁贊不名儀比蕭何後書

竇武字游平桓帝后父以贊立靈帝拜將軍封聞喜侯謀誅宦官曹節等遇害廣業案後書桓思竇皇后紀曰父諱武后父言諱史之變例日知錄疑為衍字非也

一附魏郭芝明帝后從父封列侯散騎常侍長水校尉魏志衛

魏傳建安末尚書左丞河陽潘勗注引文章志曰勗字元茂本名芝改名勗後避諱或曰勗廣業案操九錫文勗所考是時無名芝應避者當是明元郭后從父也

吳滕牧孫皓后父封高家侯 吳歷牧本名密避丁密改牧丁密避牧改名固會稽典錄丁固字子賤避滕密改作固

晉

賈充字公閭惠帝賈后父封魯公 晉書庾純傳純惡充奸佞充嘗宴朝士純後至充曰君行常居人前今何以在後純曰且有小事井事不行是以來後世言純之先嘗有伍伯者充之先有市魁者充純以此相譏焉充自以位隆望

重意殊不平及純飲酒充不時飲純曰長者為壽何敢爾
乎充曰父老不歸供養將何言也純因發怒曰賈充天下
亮亮由爾一人充慙怒上表解職純亦上表自劾臣飲酒
過多遂至忿怒厲聲名公臨時諠譟遂至荒越御史中丞
孔恂劾純請免官詔曰昔廣漢陵慢宰相獲犯上之刑灌
夫託醉肆忿致誅斃之罪純陵上無禮悖言自口宜加顯
黜以肅朝倫遂免純官

魯公二十四友皆指事之
潘岳間居賦序稱為府主廣業案

文帝寢疾武帝問後事帝曰知汝者賈公閤也是呼其字
及伐吳之役武帝命充統六師充辭以昏耄詔曰君不行
吾便自去是呼為君天子不名而純名之宜其獲罪矣

褚裒字季野康獻后父衛將軍穆帝冲齡即位褚太后臨朝
太常殷融議依鄭康成義衛將軍裒在宮庭則盡臣敬大
后歸寧之日自如家人之禮太后以情不能安詔更詳之
後卒從殷議帝待以不臣之禮自是朝臣皆敬裒焉裒常
辭不入朝殷浩遺書刺之曰足下今之太上皇也此見魏書餘俱
晉書袁喬亦遺以書曰將軍之於國外姓之太上皇也廣業
案裒不言氣備既微雅量固求歸藩亦稱明哲斯后族之
美者也若元魏胡太后父國珍薨贈相國太上秦公則竟
以太上即真矣

王濛字仲祖一字阿奴

見世說

哀靖后父也父名納字文開子

脩字敬仁小字荀子蘊字叔仁小字阿興蘊女諱法慧為
孝武定皇后子與字季明嘗與會稽王道子飲道子醉呼
與為小子與曰亡祖長史淡為司徒左長史與簡文皇帝為布衣
之交亡姑亡姊伉儷二宮何小子之有見晉書世說廣業案淡
美姿容嘗覽鏡自照曰王文開生如此兒耶是字其父又
以脩所作賢全論示劉惔曰敬仁此論便足以參微言是
字其子晉書時稱風流者必舉淡惔為宗晉人之所謂風流
如斯而已

王遐字桓子簡文順皇后父仕至光祿勳寧康初遷贈特進
通典晉右將軍王遐司馬劉曇以父名遐求解職事博士

謝詮曰案禮諸侯諱祖與父大夫士并諱伯父母及姑又父子之所天尊無以比宜聽解職博士許幹議曰案禮君子不奪人親故孝經云資於父以事君而敬同是以為尊者諱為親者諱曇自列父與將軍同名聖朝垂恩不許解職可使換官

附趙張黑石虎外祖父

魏書苻健初名黑避虎外祖張黑

之名故改焉

晉書及後趙錄但言虎養母王氏則此張正魁竟妻也列傳亦無張黑

宋

趙裔字彥胄孝穆后父臨賀縣侯永初二年追贈光祿大夫又詔曰外祖趙光祿蕭光祿名器雖隆茅土未建宜追封

開國縣侯蕭光祿名卓字子略孝懿后父同時贈光祿故

並稱官云

宋書后妃傳

路興之文帝淑媛父孝武即位淑媛尊號太后追贈興之散

騎常侍

見注

撫軍叅軍瓊之興之之孫也與太常王僧達鄰居

常盛車服謂僧達僧達不與言直語曰身昔門下騶路興

之者是君何親遂焚瓊之所坐牀太后怒泣訴於孝武帝

曰瓊之年少無事詣王僧達見辱乃其宜爾

何良俊語林案宋書后妃

傳載此事稍異

褚秀廬陵嗣王

紀

妃之祖初廬陵王義真無子太祖以第五子

紹為嗣紹亦無子以南平王鐸子敬先為嗣敬先本名敬

秀既出繼而紹妃褚秀之孫女故改焉

宋書

齊

何允

本字避改

廢帝鬱林王后從叔中書令帝使直殿省隨後呼

為三父

齊書帝紀

劉文蔚高昭后兄弟世祖舅豫章內史

齊書劉懷慰字彥

泰本名聞慰世祖即位以與舅氏同名勅改之

梁書劉泰傳父懷慰

齊東陽太守在齊書良政傳懷字下注云一作聞劉泰劉歆二傳並云聞慰齊正員郎則本名終未嘗廢也

梁

蔡樽字景節昭明太子妃父天監間累遷吏部尚書又為侍

中領秘書監武帝嘗設大臣疑樽在坐帝頻呼姓名樽竟

不答食麤如故帝覺其負氣改喚蔡尚書樽始放筋執笏
曰爾帝曰卿何向何聲今何聰樽曰臣預為右戚且職在納
言陛下不應以名垂喚帝有慙色南史

殷鈞字季和尚武帝女永興公主拜駙馬都尉父叡仕齊為
雍州刺史長史見害武帝與叡有舊故以女妻鈞也馬志自宋
齊以來公主多驕淫無行永興主加以陰虐鈞形貌短小
為主所憎每被召入先滿座為殷叡字鈞輒流涕以出主
命婢束而反之鈞不勝忿言於帝帝以屏如意擊主碎于
背然猶恨鈞自侍中出為王府諮議仕終國子祭酒通志
王琳字孝章尚元帝姑義興昭公主拜駙馬都尉仕終東陽

太守子銓錫等兄弟八九人有盛名帝妬害其美遂改寵

姬王氏兄珩名琳以同其父名

梁書帝紀及王份傳

後魏

馮熙字晉昌文明太后兄尚恭宗女博陵長公主拜駙馬都尉進爵昌黎王降封京兆郡公高祖納其女為后詔曰白虎通云王所不臣數有三焉妻之父母抑言其一此所謂俱承宗廟不欲奪私心也然吾季著於春秋無臣證於往牒既許通體之一用開至尊之敬比長秋配極陰政既敷未聞有司陳奏斯式可詔太師輟臣從禮又勒集書造儀付外高祖納熙三女二為后一為左昭儀由是馮氏寵貴

並隆

魏書

高肇字首文文昭皇后兄世宗之舅尚世宗姑高平公主為尚書令封平康公百寮懾憚時游肇字伯始同在朝列高肇嫌其名與己同欲令改易肇以高祖所賜秉志不許魏書高肇甚銜之宣武嘉其剛梗北史

胡國珍字世玉宣武靈太后父官司徒國珍薨贈相國太上秦公張普惠以前世后父無太上之號疏陳其不可後復密表云皇太后稱令以繫敕下蓋取三從之道司徒為太上恐乖其意后令群臣博議廷尉少卿袁翻曰周官上公九命上大夫四命命數雖殊同名為上何必上者皆是極

尊普惠厲聲曰禮有下卿上士何止大夫與公但今所行以太如上二名雙舉不得非極翻有慙色議者都阿附太后卒依前詔北史

李延實字禧莊帝舅由左將軍超授侍中太保封濮陽郡王延實以太保犯祖諱王爵非庶姓所宜抗表固辭乃徙封公改太傅北史

北齊

楊愔字遵彥小名秦王神武時尚太原長公主官至尚書令封開封王乾明初為孝昭所誅北齊書本傳魏收作魏書諂齊貶魏附楊愔為叙其世時號穢史北齊書魏收傳多稱楊

遵彥北史曰之遂稱其字本傳常山王泰廢帝亦稱楊遵
彥唐邕傳顯祖曰頻勅楊遵彥李稚廉傳顯祖召見稚廉
語及楊悖誤稱為楊公蓋其權勢烜赫君臣並畏憚之如
此其不免於禍宜矣

唐

獨孤信元貞后父也信本名如願少年好修飾軍中號獨孤
郎仕周為大司馬河內公長女為周明敬后第四女元貞
皇后第七女隋文憲后元貞即高帝母後周書所謂三女
為后各生周隋唐一朝天子是也見獨志新書地理志信
州隋巴東郡武德二年改為夔州杜佑曰夔州春秋時為

魚國梁置信州唐武德二年避皇外祖獨孤信諱改為夢

州治奉節縣

竇抗字道生高祖太穆皇后從兄拜將作大匠兼納言高祖聽朝或升御座或留宿禁內每呼為兄而不名也宮內咸

稱為舅舊書

武儉察案則天后曾祖追尊昭安皇帝廟號烈祖墓曰靖陵

高儉字士康以字顯蓋避諱也司刑丞杜景儉改名景

佺通鑑考異曰杜景儉實錄及新紀表傳皆作景佺蓋實錄以草書致誤新書曰承之耳今從舊統紀廣業案此

目避諱也

武華則天后祖追尊文穆皇帝廟號顯祖墓曰永陵 御覽

引唐書崔元

本字暉本名暉以字下體有則天祖諱乃改

元暉新書地理志華州垂拱二年避武氏諱曰太州華陰

縣為仙掌

案舊唐書代宗紀寶應二年四月太州依舊為華州太陰縣為華陰縣則當改太陰也文苑英華

楊炯鄰因公墓誌永昌元年春鄰公薨諱柔字

華亭為亭

川華容為容城

岳陽風土記長安志皇城脩行坊本名脩

華武后避諱改又改崇化坊西華觀為金臺觀

武士護

一號字信自稱厚材太原則天后父高宗時贈太尉

太原王武后天授元年追尊太祖孝明皇帝

金石錄碑作無上孝明皇

帝葬昊陵舊唐書孫處約避中宮諱改名茂道

新書作處約始

名道韋思謙名仁約亦以避嫌以字行

野客叢書云改名元忠誤廣業

案新書載偽周篡位追尊五代祖克己舊書作居常為嚴祖成

皇帝墓曰節陵高祖居常舊書作克己為肅祖鍾輅前定錄居

其上有四厥人章敬皇帝墓曰簡陵後立七廟又以文王謂為纣類即

為始祖文皇帝號德陵武王舊書作王子武為睿祖康皇帝號喬

陵諱法未詳考通鑑中宗神龍元年五月遷周廟七主於

西京崇尊廟制武氏三代諱奏事者皆不得犯則所諱亦

止三世矣

武承嗣武后兄元奘子后篡位封為魏王死贈太尉子延基

襲爵后避其父名更封為繼魏王舊唐書外戚傳

武攸暨武后伯楚僖王冲之孫右監門長史懷道之子尚高

宗女太平公主封定王中宗相長安志萬年縣朱雀街東
九坊第一興道坊景龍三年以攸暨父名改曰瑶林坊景
雲元年復舊

楊慎交左衛將軍嘉本之子尚中宗女長寧公主拜駙馬都
尉長安志朱雀街東第二街九坊第一務本坊景龍三年
以慎交父名改為玉樓坊景雲元年復舊

韋元貞中宗韋后父追贈上洛王 舊書外戚竇懷貞傳韋

庶人於預朝政懷貞每諂順委曲取容改名從一以避后

父之諱新書懷貞字從一取韋后乳媼王氏

通鑑中宗戲
竇從一以老

乳母媼之令從一
諱却扇詩數首 避后先諱而以字稱自署皇后阿翁

舊書

時人或以國書呼之初無然色大
唐新語曰俗為姁母之聲曰阿姁
龍元年改元武
門為神武門
章后敗乃復故名又中宗景

竇希球字國珍昭成后弟明皇舅裴耀卿神道碑云車通愜

門加兵會同不錄班譙見不呼名所以教天下之為甥文苑

英華

王仁皎字鳴鶴元宗廢后父封祁國公新唐書外戚傳后初為臨淄

王妃先天元年立為后後以愛弛不自安承間泣曰陛下

獨不念阿忠脫紫丰臂易斗麵為生日湯餅耶帝憫然動

容阿忠后呼其父仁皎云由是久乃廢皇太后傳廣業案合二

傳觀之阿忠當仁皎小名近平湖陸氏新刻李潛松牕雜

錄云何皇后始以色進不數年寵衰一日泣訴於上曰三
郎獨不記何忠脫新紫半臂云云又曰何忠何后自呼其
父名也考元宗並無何后乃曰阿字訛為何耳后父於禮
不臣今以寵衰之故特稱微時小名以自貶損情良苦矣
宣明皇聞而動容也李潛唐人不有誤姑存之

周

柴守禮

龍川列志
作三禮

字克讓太祖聖穆皇后兄也后養守禮子

為子是為世宗即位守禮以光祿卿致仕居洛陽第以元
舅禮待之克讓恣橫嘗殺人於市世宗知而弗問時王溥
王晏王彥超等同時將相皆有父在洛陽與守禮往來號

十阿父

五代史與王溥等論設妓樂謂之鼎社

附南唐鍾太章

十國春秋作泰章有傳

嗣主光穆皇后父馬書女憲傳

後主即位冊為太后以父名太章號聖尊后

陸書后妃傳同

廣業

案徐鉉集有上太后尊號制及百官奏請行聖尊冊禮文則先嘗稱太后矣

宋

宋僊太祖孝章后父封邢國公父廷浩尚後唐莊宗女僊本

名延渥以父名下字從水開寶初上言改為僊率謚莊惠

宋史

符彥卿字冠侯太宗懿德后父周世宗宣懿后亦彥卿女世

號

宗封魏王太祖加守太師自恭帝及太祖兩朝俱賜詔書
不名宋史

李繼隆太宗明德后兄 宋史李繼宣本名繼隆與后兄同
姓名太宗為改焉

楊遵勗字公武尚太宗女獻穆大長公主官至鎮國軍節度
使知許州謚和文初軍名勗犯神宗嫌名以行尊不欲令
改名曰加賜遵字王詳帝先主堯主哀毀循禮後目病喪明
真宗親紙之曰先帝伯仲之籍十有四人今獨存大主倘
疾可移於朕亦所不避也其愛敬如此宋史

劉延慶真宗章獻明肅太后祖仁宗朝封許國公 宋史石

元孫始名慶孫避太后祖諱易之后曾祖維嶽封燕國公
劉通章獻太后父封魏王 宋史真宗乾興元年仁宗即位

尊后為太后御崇德殿垂簾聽政冬十月詔中外避皇太
后父諱明道二年太后崩時賈昌朝為國子監說書上言
禮母之諱不出於宮今章獻太后易月制除猶諱父名非

尊宗廟也從之

王安石撰賈神道碑云仁宗即位太史以章獻太后為彭城郡王諱其名公言母之

諱禮不得

以出於宮八月詔中外母避太后父諱

魏郊錄云通之

名頌之四海上書奏事科舉程文避之如宗廟改通判為
同判州郡之名如通利軍之類亦莫不改尊之至矣齊東
野語云改通直郎為同直郎通州為同

州通判為同判通

進司為承進司通奉為中奉通事為宣事至明道間遂復舊張溪雲谷雜記云予在龍舒日得太湖縣白雲山海會寺建經藏記云同直郎守殿中丞前知太湖縣事李錡撰觀者皆訝同直郎不何代官制予曰必天聖明道間人讀至末果得天聖十年字蓋章獻同昭陵聽政乃天聖明道間以故知為彼時也明道以後不復諱矣章獻上仙臣僚即上言云自大行皇后同聽政之日天下章奏臣寮白事皆迴避通字從其先諱今輟車上仙山園將畢不可濫九廟而存諱宜盡復三朝之遺法欲乞有若以通進司為承進司通奉大夫為中奉大夫通事舍人為宣事舍人通

州為崇州通判為同判通直郎為同直郎通引官

為承引官普通門為普和門之類及將來舉人程試一坊

俾復如舊無有所避此事出於一時權宜僅行於十年之

間非因石刻後世無從見之歐陽公趙明誠洪文惠多以

碑刻為書傳之證正由此種施宿會稽志廣教院在府

西戴山麓宋大中祥符元年改通教院天聖初避章憲

載字父諱改今額

素太后臨朝自漢有之班父諱於天下則過矣媿却錄

云正位中宮初贈三代自章獻始然亦無徑封王之例

仁宗初章獻臨朝贈繼徽侍中延慶中書令通彭城郡

明為崇州
領大聖元
年以明道
二年後其河
北路通利軍
為其利軍
改後年內
無年運錄

王天聖三年加贈維嶽延慶俱尚書令通鄭王外戚追
封一字王之制始見於此後又如維嶽燕國公延慶開
府通兼中書令推崇至矣史稱小臣方仲弓上言請依
武后故事立劉氏廟程琳亦獻武后臨朝圖雖太后不
許而由來有漸不若欽聖之得體也后稱制凡十一年

曹佺字公伯

事畧作字伯容

仁宗慈聖光獻后弟初封濟陽郡王哲

宗追封沂王佺在神宗朝進對未嘗名宋史

宋慈聖爲武惠王彬孫女與宣仁曾祖高烈武王瓊皆
勲臣也慈聖之賢詳見史文父玘初贈特進追溫成張
后帝寵始加封玘東海郡王張后父原清河郡王玘

錄以為后父賜王爵之始老學菴筆記又云外戚稱王
自佾始然佾之謙謹正復無媿乃祖

高遵甫英宗宣仁聖烈太后父封魯王 宋史神宗尊后為

太后哲宗即位尊為太皇太后曰聽政令中外避太后父

名紹聖元年太后崩詔依章獻故事罷避高遵甫諱 中

吳紀聞滕元發名甫避高魯王諱以字為名改字達道揮

塵後錄滕章敬初名甫以避諱改字為名 宋史同 馬永卿

懶真子錢總字穆甫以避諱人或呼為錢穆或呼為穆四

至劉伯貢父劉中原父二人或云本字貢父原父以犯高

魯王諱故去甫字而加伯中時人因并三字呼之此說非

也六一先生誌原父墓云公諱敞字中原父熙寧元年卒
以此可知彼但以錢穆甫故并二劉失之誤矣東都事略
文及甫字翰周彥博第六子宣仁臨御時避諱止名及宣
仁崩後名及甫云 施元之蘇詩注鄧潤甫字溫伯建昌
人宣仁垂簾以字行政字聖求紹聖間始復名 宋史劉
正夫傳元豐八年南省奏名在優選而犯高魯王諱凡五
人皆當黜落宣仁曰外家私諱班未久不可以妨寒士命
寘末級

何經神宗欽聖憲肅太后父封秦王后為宰相敏中曾孫女
傅亮孫女 宋史徽宗即位尊為太后同處分軍國事故

事有如御正殿避家諱立誕節之類皆不用文獻通考元符三年太后手詔曰如避家諱等並勿行臨朝繞六月還政於帝後帝加封敏中定王傳亮衛王經秦王舅宗良宗回皆郡王自敏中以上三世亦追列王爵非常典也

孟元哲宗昭慈聖獻太后祖眉州防禦使贈太尉 宋史后以選入宮元祐七年立為后為劉婕妤誣廢出居瑤華宮元符末復位號元祐皇后崇寧初復居瑤華宮金人圍汴徽宗議復后尊為元祐太后詔未下而城陷六宮北遷后以廢獨存遣迎康王王即位尚書省言元字犯后祖諱請易以所居宮名遂稱隆祐太后 魏郊錄元祐太后既正

東朝建炎元年八月詔以尊稱犯太后祖諱當以所居宮
為稱令學士院撰定遂建隆祐宮玉海是年八月庚午詔
以元祐太后宮為隆祐宮隆祐本欽聖憲肅宮名蓋學士
院失之周禮評曰元祐者哲宗之年號也今以元字犯后
祖諱而更之是以君避臣也

孟存昭慈后父榮州刺史 宋史高宗詔文書應奏者避后
父名后不許

吳琚吳璘皆憲聖后弟衛王益之子琚字居父號壑寧宗時
官終少卿璘節度使孝宗崇憲聖母弟之恩稱琚兄弟皆
以位曰哥光宗皆稱曰舅琚以詞翰被遇孝宗所居近城

光皇為書扁以賜不名其名而名其官

四朝開
見錄

明

郭子興高祖孝慈皇后其養女也封滁陽王東莞陳氏曰洪

武十八年鞏昌侯郭興卒

太祖皇帝
妃之父

侯興滁陽王同名故

改名興鄭端簡異姓諸侯傳郭子興一名興隸滁陽王麾下

明續通考皇明姓名相同者首兩郭子興一高皇帝舊

帥滁陽王一洪武中鞏昌侯

案明初異姓諸王淳皇后陳王追封楊王高皇后父馬

公徐王及滁陽中山開平皆勲戚也

李貞尚高祖皇姊長公主封曹國公焦竑云拜駙馬都尉上

即位賜第內城年近七十勅免常朝贊拜不名

八月七日校於省吾廬

經史避名彙考卷三十

海寧周廣業耕佳

官僚一

名不如字例著春秋歿而稱謚文詳戴記所以示褒貶明貴賤也漢以來優禮親賢勲舊則有不名由替拜而奏事而詔書及尋常稱謂舉字若官每進有加要皆異數至於所屬吏民義無指斥或間言而按劍或慕德而稱門敬長上正所以尊朝廷也其或避及所生雖亦當官而行究屬私而非公故凡冒榮觸諱之類均不列此

周

家父屬王大夫

詩序郎南山家父刺厲王也鄭箋家父字

正義春秋之例天子大夫稱字廣業案公羊傳天子上大
夫字尊之之義也是詩末章家父作誦則自稱亦舉字

仍叔宣王大夫

詩序雲漢仍叔美宣王也正義仍氏叔字

春秋之例天子公卿稱爵大夫稱字此言仍叔故知大夫
也

宰咺平王大夫

春秋隱元年天王使宰咺來歸惠公仲子

之賵左傳緩且子氏未薨故名公羊傳宰者何官也咺者

何名也曷為以官氏宰士也注天子之士以名氏通

四并天王使石中士以官錄解云以所繫之官下士畧稱
尚來歸服是也

人廣業案二傳說異左據子哭救衛稱字為是胡傳及劉公是意林謂是冢宰非也

南季桓王大夫 春秋隱九年天王使南季來聘穀梁傳南氏姓也季字也注明命為大夫不以名通也 章俊卿山堂考索別集古例天子三公稱公卿書爵大夫字士名士之微者不名所以分等列定尊卑也三公若桓八年祭公傷元年宰周公是也卿書爵若隱元年祭伯七年凡伯文元年毛伯五年召伯十年蘇子之類大夫稱字若隱九年南季桓四年宰渠伯糾五年仍叔八年家父莊九年榮叔二十三年祭叔文元年叔服定十年王季子襄三十年王

子瑕是也士稱名者若隱宰咺襄十五年劉夏定十四年
石尚是也士微者不名若僖五年王人是也然隱三年昭
二十三年三十六年三書尹氏隱三書武氏子皆以族稱
識世卿也莊二十六年王人子貳微者又特書字善其救
衛也宣十五年書王札子大夫而名貶其專殺也惟文三
年王子虎定四年劉卷皆以卒書名而昭二十三年王子
朝蓋庶子之長也札亦天子庶兄禮天子庶兄冠而不名見公羊注
宰渠伯糾桓王大夫 春秋桓四年天王使宰渠伯糾來聘
公羊傳宰渠伯糾者何天子之大夫也其稱宰渠伯糾何
下大夫也注天子大夫繫官氏名且字稱伯者上敬老也

禮君於臣不名者有五諸父兄不名經曰王札子是也詩
曰王謂叔父是也上大夫不名祭伯是也威德之士不名
叔胖是也老臣不名牽渠伯糾是也解云渠是其名而言
不名者謂計其官爵
之時定合氏官名而且字但以春秋書法鉤元曰王朝大
年老無稱伯示有不名之義也春秋書法鉤元曰王朝大
夫例稱字南季仍叔家父榮叔之類王朝下士進而書字
如王人子瑕是也列國之大夫例稱字如單伯女叔祭仲
是也諸侯之兄弟例稱字如叔所許以祭仲字也制儀父蕭叔是也之伯庸制字也王朝中士
書名如劉夏石尚諸侯大夫書名無駭高偃之類夷狄附
庸書名如鄭黎來介葛盧是也冢宰貶書名如宰咺宰渠
伯糾諸侯兄弟貶書名如宋公之弟辰秦伯之弟鍼之類

榮叔莊王大夫 春秋莊元年王使榮叔來錫桓公命穀梁
傳注榮氏叔字天子上大夫也

單伯莊王卿 春秋莊元年單伯送王姬左氏無傳杜注單
伯天子卿也單采地伯爵也廣業案天子之卿送女書爵
不名經文甚明穀梁乃改送為逆而傳之曰單伯者何吾
大夫之命乎天子者也命大夫故不名也公羊并云何以
不稱使天子召而使之也逆之者何使我主之也穿鑿殊
甚胡氏遂據為命大夫稱字之例尤屬支離山堂考索別
集載呂東萊曰畿內諸侯見於經者多矣祭伯凡伯毛伯
召伯其書法與單伯無異公穀何據獨以此為魯乎自周

之外未有書諸侯之又為伯者輩使柔弱姑意如之類
不氏而名者也叔不臣仲孫何忌兼氏而名者也公孫
慶父公弟叔矜之類配親而名者也仲叔叔老叔弓叔詣
之類配仲叔而名者也二百四十年間不書名者惟季子
來歸一語而已曷嘗聞內大夫不名而書伯者乎公穀之
証瞭然矣應嗣寅謙齋集稱字例辨云胡氏稱字之例有
四中國附庸稱字終春秋之世儀父蕭叔而已天子大夫
稱字南季家父桓八及榮叔叔服文二此二例無庸議列國
命大夫稱字單伯莊元及十鄭祭仲桓陳女叔皆曰命大
夫也先儒言齊晉強大專命無命大夫故終春秋惟三人

然二百四十年無三命大夫之理即以魯言之如三家之
強豈皆不屑王命而獨命一單伯公子遂叔孫得臣仲孫
蔑叔孫豹皆如京師而叔孫豹王嘉其有禮賜之大路豈
其不命而未獲稱字命大夫稱字例非也天子大夫則稱
字列國命大夫例稱字是尊卑不別也而可乎馬驥繹史
云王臣之稱左氏雖無凡例而尋繹經傳有可知者王之
公卿書爵祭伯凡伯是矣大夫稱字南季榮叔是矣元士
中士書名劉夏石尚是矣下士稱人王人會兆是矣或舉
官而言之祭公及宰是矣何以知其然耶宰咺歸贈綏而
書名宰渠伯糾來聘父在故名周禮太宰卿一人小宰中

大夫二人宰夫下大夫四人此宰未識何宰但貶而書名則法當書字是大夫稱字之例矣然王之卿士有無爵者如王叔陳生伯與之屬未知書之於經若何滕侯之先爲周卜正齊侯呂伋爲虎賁氏周制大夫固多有爵者將何以稱之然則卿士而無爵或亦書字但不可越字而稱名大夫而有爵或亦書爵復不可捨爵而書字襄公十五年劉夏逆王后于齊傳曰卿不行非禮也劉夏非卿而名對言之則卿亦有書字之理王臣之見于春秋者衆矣祭伯也凡伯也毛伯也召伯也單伯也尹子也劉子也單子也其間未必無大夫南季也榮叔也家父也王季子也其間

未必無鄉第無由考徵姑依例以言之桓公五年天王使
仍叔之子來聘傳曰弱也譏使童子出聘本父以稱子然
而書其父字其父大夫也莊公六年王人子戢救衛微官
而授大事褒稱其字然猶冠以王人王人下士也褒貶因
事以生義而必存於經有如此者

宰周公孔惠王冢宰 春秋僖八年公會宰周公齊侯宋子
衛侯鄭伯許男於秦邱穀梁傳天子之宰通於四海注宰
官周采地天子三公不字天子冢宰兼爲三公者左傳注
宰字孔

成季友魯大夫 春秋閔元年季子來歸公羊傳其稱季子

何賢也

注据如陳名不穀梁傳其曰季子貴之也注大夫

稱名氏

今曰子是貴之也子男子之美稱廣業案此公羊

傳所謂字不若子者也莊二十五年書公子友如陳僖三

年書公子季友如齊涖盟十六年書公子季友卒則季為

字友為名杜氏注左以季子為字非也

成季未生而卜楚

曰季氏亡則魯不昌猶陳侯尚存而

何休曰春秋公子不

為大夫者不卒宣十七年書公弟叔肝卒且稱字者起其

宜為天子上大夫也禮盛德之士不名上大夫不名也左

氏辨例曰諸侯命卿有事於會盟侵伐例書名其貶也外

則稱人內則去族卿既卒不名夷伯原仲是也其書字書

子書官皆不斥其名褒之也莊二十五年陳侯使女叔來聘傳曰嘉之故不名殷梁傳天子命閔元年季子來歸傳曰嘉之也齊仲孫來傳曰嘉之也文十四年宋子來奔傳曰貴之也此稱字之褒也閔二年高子來盟善其寧魯難而不名此稱子之褒也宋殺其大夫司馬宋司城來奔傳曰司馬握節以死故書以官司城蕩意諸來奔效節於府人而出亦書以官皆貴之也此稱官之褒也文十五年宋司馬華孫來盟傳曰其官從之書曰宋司馬華孫貴之也此又兼書官與字以美之也是皆當名而不名故各發義以明之

女叔陳大夫 春秋莊二十五年陳侯使女叔來聘左傳嘉
之故不名注女氏叔字卿以字爲嘉則稱名其常也穀梁
傳其不名何也天子之命大夫也公羊傳注稱字者敬老
也禮七十雖庶人主孝而禮之孝經昔者明王之以孝治
天下也不敢遺小國之臣是也

管敬仲夷吾齊大夫 說苑齊桓公使管仲治國對曰賤不
能臨貴以爲上卿而國不治公曰何故對曰貧不能使富
賜之市租一年而國不治對曰疎不能制親桓公立以爲
仲父楊倞注荀子曰仲夷吾字事之如父齊國大安遂霸
故號仲父韋昭國語注敬仲夷吾字天下韓非子桓公時晉客至有司請禮桓公曰告仲父者

三優者

樂曰

易哉為君一曰仲父二曰仲父公曰吾得仲

父難矣得仲父之後何為不易乎哉

呂覽論衡同

廣業案諸侯

稱大夫長曰伯父次曰叔父

國見

潘仲父之稱介乎伯叔之

間所以別異之也史范雎傳秦昭王謂平原君曰昔周文

王得呂尚以為太公齊桓公得管夷吾以為仲父今范君

亦寡人之叔父也意正如此秦昭襄王尊呂不韋為相國

號稱仲父季漢昭烈帝時廣漢太守夏侯纂請秦宓為師

友祭酒稱曰仲父項羽號范增為亞父亞亦仲也

案父當讀如字

顏氏家訓曰古者男子之美稱古人多假借為父遂無人

呼為甫者亦所未喻唯管仲范增須依字讀耳則今仲

父亞父皆請甫非矣後漢書南陽陰識字

次伯其先出自管仲世奉其祀謂為相君

高敬仲僖齊大夫

春秋閏二年冬齊高子來盟

杜注公羊高僖

傳何以不名喜之也穀梁傳其曰高子貴之也盟立僖公也廣業案是時魯君再弑危而復安內則季子外則高子其功一也故春秋獨二子以子稱仲孫來亦不書名但止于省難不能定魯亂也故微有子奪之異

范宣子句晉大夫

覽左隨筆曰士句士鞅之父也而士句

相士鞅又見於昭公之六年杜注即士文伯豈與宣子乃同名哉然漢書人表有两士鞅一在中上一在中下相去不遠殆不可曉廣業案士文伯字伯瑕名句陸氏釋文曰古本土句或作王正董遇王肅本同學者皆以士鞅不應

取其父同姓名人以為介今傳本誤也依王正為是王元
規云古人質口不言之耳何妨為介也案士文伯是缺之
族亦名丐自無妨令相然士文伯名古本或有作正者孔
氏正義亦云世族譜以王正為雜人俗本誤作士丐又襄
三十一年傳寡君使丐釋文云本又作丐士文伯名也今
傳本皆作此字解者謂文伯是范氏之族不應與范宣子
同名作丐是也案士文伯字伯瑕春秋時人名字皆相配
楚令尹陽丐字子瑕與文伯名字正同又鄭駟乞字子瑕
丐與乞義同則作丐者是魯有仲嬰齊是莊公之孫又有
公孫嬰齊是文公之孫仲嬰齊于公孫嬰齊為從祖同時

同名鄭有公孫段字子石又云伯石印段字伯石傳謂之二伯石印段即公孫段從父兄弟之子尚同名字伯瑕與宣子何廢同乎李鑑尚史直云同族同名

季康子肥魯大夫

左傳哀二十五年公至自越季康子孟

武伯逆於五梧郭重僕見二子曰惡言多矣君請盡之公

晏於五梧武伯爲祝

酒

惡郭重曰何肥也季孫曰請飲

瀕也

伯名武

以魯國之密邇仇讐臣是以不獲從君克免於

大行又謂重也肥公曰是食言多矣能無肥乎飲酒不樂

公與大夫始有惡廣業案武伯欲毀郭重而故斥康子名

盖兩譏之故季孫請罰之而自解不得從行之故也公又

重譏之故不樂而有惡

孔父宋大夫 春秋桓二年宋督弑其君與夷及其大夫孔父穀梁傳督欲弑君而恐不立於是乎先殺孔父何以知先殺孔父也曰子既死父不忍稱其名臣既死君不忍稱其名以是知君之累之也孔氏父字謚也注以公羊傳注賢者不名故孔父稱字父者字也禮臣死君字之

原仲陳大夫 左傳莊二十七年秋公子友如陳葬原仲注原是仲字也禮既卒不名故稱字正義陳人不稱其名魯人亦書其字

公子嬰齊字子重公子側字子反皆楚大夫 左傳成九年

鍾儀對晉景公曰其爲太子也師保奉之以朝於嬰齊而
夕於側也范文子曰名其二卿尊君也杜注指晉君廣業
案儀言楚王則名二卿兼尊楚君不獨晉也

田單齊相封安平君 戰國策齊襄王酒酣曰召相田單而
來貂勃避席稽首王惡得此亡國之言乎周文王得呂望
以爲太公齊桓公得管夷吾以爲仲父今主得安平君而
獨曰單單惡得此亡國之言乎依通鑑廣業案六國時稱
君者甚多如信陵平原孟嘗春申之類當時皆不斥其名
即安平可推矣又如魏文侯稱李克爲先生田無擇莊子不
稱名而舉其字曰子方惠子尊意施爲仲父呂氏羣臣稱

爲惠公類此類不可勝紀

田無擇字子方魏文侯大夫

莊子田子方數稱谿工於文

侯曰無擇之里人也稱道教當故無擇稱之是無擇爲子
方名也文侯師子夏友段干木田子方故新序說苑所載
文侯與子方語皆舉其字與翟璜樂羊稱名者不同蓋尊
禮之也田子方名不別見戰國諸君稱其臣字而不名
者甚多姑舉以見例

伍子胥

廣韻收入文仙問三韻有云圓運吳相地理志

吳山本名胥山避伍相改名與野客叢書子胥之胥山在嘉

人胥二山爲子胥之山唐盧元輔杭州胥山銘序云周行
伍公字子胥又引漢史遷曰胥山今云青山者謬也

有吳越皆廣業案舊說吳山在吳南界故名吳或曰胥山以
伍子胥訛伍為吳然越絕書云吳人以胥為蘇今不訛為
蘇山而曰吳山則避名之說信也王吳指玉別雅引危言曰
乃姑胥也凡山與臺皆以伍員得名吳人鄉語以蘇為蘇
故誤曰姑蘇後遂為蘇州按續圖經曰姑蘇臺一名姑蘇
史記正義云在吳閭閻造九曲路以遊姑蘇之臺則姑蘇之
差作越絕書云閭閻造九曲路以遊姑蘇之臺則姑蘇之
或謂姑胥或謂姑蘇不可而知姑蘇之音之訛其直以胥字為蘇
因子胥而誤也
亦當因子
胥名而改
通志氏族畧云員氏音運亦作鄖楚伍員之
後也伍子胥名員其後以員為氏前涼有安夷人員平金
城員敬今考伍相名字諸書所載互異左傳稱員公穀稱
子胥史記本傳在楚稱員亡吳後稱胥或子胥吳越世家

俱稱子胥楚世家平王使謂伍奢致二子奢曰尚至胥不至又曰胥亡楚國危哉當日父稱其子曰胥則胥亦其名也至員之子左傳固云屬於齊爲王孫氏而漢書伍被傳被楚人或言其先伍子胥後則仍氏伍初不以員爲氏也唐有棣州刺史員半千姓氏書謂是前涼員懷遠之六世孫史稱其本姓劉十世祖凝之奔元魏以忠烈自比伍員因賜姓員江鄰幾雜誌又載泉縣堯山民掘得員半千墓誌石云十八代祖凝自梁入魏本劉氏彭城人以其雅正似伍員遂賜姓員則固非子胥之後通志誤也左傳釋文伍員之員音平聲故路史注云員半千之員平聲員敞員

貴可知矣班固東都賦婁敬度勢而獻其說蕭公權宜而拓其制亦一名一公

張良字子房封留侯高帝字之而不名 史世家漢六年封功臣上曰運籌帷幄中決勝千里外子房功也日知錄漢高帝曰吾不如子房景帝曰天下方有急王孫寶嬰寧可以讓耶皆人主呼人臣字也廣業案秦漢以來君於臣非所敬禮莫不呼名其稱字者史皆書之以爲榮

韓信高帝封淮陰侯 史列傳淮陰侯後列韓王信盧綰田儋等淮陰不名餘皆名者索隱謂韓王信故韓襄王庶孽明不敢與從龍之彥同也信綰儋皆六國後信獨稱王者

亦以時有兩韓信嫌其無別故於淮陰侯單舉其封以尊之於韓王信則加國與爵于名之上賈誼策云淮陰侯王楚韓信王韓是其例也毛晃禮部增韻云韓王信本與淮陰侯同名嫌誤讀作新今考漢書曹參叙傳包漢舉信張良列傳毆致越信皆謂淮陰侯韓信也師古並注云信合韻音新然則漢時讀韓王信名爲去聲讀淮陰侯名爲平聲矣王莽傳信鄉侯終王子侯表作新鄉侯是信新二字本亦通用故異其音以相避也又史記韓王信傳徐廣注一云信都史通因據此以譏班馬謂輒去都留信用使稱其名姓全與淮陰不別案潛夫論志氏姓篇云韓襄王尊

平自音運然據鄧氏說則半千乃平敬之後當無異音新
唐書藝文志員半千集十卷董衡釋音音王問切未爲失
也能改齊漫錄譏之引竇革音訓云唐人讀半千姓皆作
運未詳何據又云張嘉貞薦苗延嗣呂太一員嘉靖崔訓
位清要當時語曰令君四俊苗呂崔員是員姓音誤久矣
竊謂伍相名音平聲而諸員皆音運蓋亦寓避諱之義不
欲直斥先賢之名也

漢

蕭何高帝相國 漢書王莽傳陳崇奏曰高皇帝褒賞元功
相國蕭何邑戶既倍又崇殊禮奏事不名入殿不趨廣業

案史記高祖謂何曰相國休矣又曰相國爲賢相紕呂后
問高祖曰蕭相國既死誰當代之編是帝及后皆稱爲相
國惠帝臨問疾曰君即百歲後誰可代君者紕又稱爲君
漢書高紀十一年詔求天下賢士曰御史大夫昌下相國
相國鄼侯下諸侯王是當時詔書及平時稱謂皆尊而不
名非止奏事而已其後王莽梁冀曹操皆竊其例獨斷云
相國自蕭何以後殆非復人臣之位是也 史記人臣列
世家者五人目錄稱蕭相國曹參留侯陳丞相絳侯周勃
或官或名或爵名兩書而列傳則於蕭獨首云蕭相國者
書法與平陽侯曹參張華博物志留侯張良迥異當時尊

孫信俗呼韓信都考沛公使張良與信畧定韓地立橫陽
君城爲韓王而拜良爲韓信都信都者司徒也俗音不正
曰信都或曰勝屠其本共一司徒耳後傳者不知妄意爲
名信都也羅璧識遺云漢功臣表張良以韓申都下韓楚
漢春秋作信都信音申史記亦作韓申徒張良傳直作司
徒然則信都乃張良官名即非韓王名知幾之說謬矣容
齋續筆云自師古注漢表誤以韓申都爲即韓王信遂致
展轉傳訛古書豈可以字義求哉

石奮景帝時九卿徙諸侯相長子建次子甲次子乙次子慶
官皆至二千石帝曰石君及四子皆二千石人臣尊寵乃

集其門號奮爲萬石君見史本傳廣業案宣帝時魏郡馮
楊爲宏農太守有八子皆二千石趙魏間號萬石君見後
書馮勤傳是西京有兩萬石君也又後書循吏傳扶風秦
彭六世祖襲爲潁川太守與羣從同時爲二千石者五人
三輔號萬石秦氏亦西漢人

鄭當時字莊武帝時大司農未嘗名吏與官屬言若恐傷之

漢書

公孫宏

本字

字季武帝朝相

董仲舒詣公孫丞相書稱爲

君侯自稱仲舒叩頭死罪而其中道德宏通却不避宏字

鄒長倩上公孫書稱其字曰次卿

見古

當是宏別字也

魏相字弱翁宣帝朝相 野客叢書云前漢魏相傳相字無
音人多呼爲平聲以弱翁之字觀之合作去聲唐詩曰身
依魏相尊可據也廣業案相爲丞相視事九載使名與官
同音是使佐吏不得表其名稱子孫不得言其位號矣呼
平聲爲是

夏侯勝字長公

漢書宣帝朝諫大夫給事中爲人質樸簡

易見時謂上爲君誤相字於前

師古注前天子之前也君前目名不當相呼字也

上亦以是親信之每有大議上知勝素直曰先生通正言
遷太子太傅卒

陳遵字孟公

漢書遵哀帝末校尉封嘉威侯時列侯有與

遵同姓字者每至人門曰陳孟公坐中莫不震動既至而非因號其人曰陳驚坐云

鄧禹字仲華 後書光武安集河北禹杖策從之與語大悅令左右號禹曰鄧將軍即位拜大司徒封高密侯顯宗拜太傅論曰鄧公羸糧徒步觸紛亂而赴光武可謂識所從會矣洪景廬曰范氏漢史惟三公乃以姓配之未嘗或紊如鄧禹稱鄧公吳漢稱吳公伏公本字避改湛宋公宏本字避改年公融袁公安李公固陳公寵橋公元劉公寵崔公烈胡公廣王公龔楊公彪荀公爽皇甫公嵩曹公操也廣業案蔚宗于禹論稱鄧公贊又稱元侯洪說信矣吳漢贊稱吳公驚疆

而論言吳漢自建武世常居上公之位又曰斯豈漢之方
乎寇恂與鄧禹同傳官止執金吾而論亦稱寇公將以恂
有宰相器雖非公而亦公之乎恐洪氏亦未深究然蔚宗
以宋人論列前人自用當時體制非必漢制也

姜詩字士遊奉母至孝明帝永平中除江陽令宋鄭少微德
陽縣孝感廟記云縣西北四十里有鎮東漢姜詩故里在
焉故號姜詩治平中知綿竹縣事郭震謂詩行高宜諱其
名白郡刺史易之鎮遂名孝泉

包咸字子良 後書儒林傳建武中咸以郎中入授太子論
語永平五年遷大鴻臚每進見錫以几杖入屏不趨贊事

宋名

申屠蟠字子龍 後書蟠喪親盡禮安貧樂道蔡邕深重之
大將軍何進連徵不詣進使黃忠書勸曰前莫府初開至
如先生特加殊禮優而不名

鄭固字伯堅桓帝朝郎中

集古錄鄭固碑以疾錮辭錮當

作固疑漢人用字多假借又疑以疾錮辭謂疾已堅固若
云以疾篤辭全祖望跋云錮字即瘡字之通吳楷玉別雅
云鄭名固作文者未便直書其名故轉假同音之字以代
之徐獻忠金石文作固誤 晉書劉聰載記靳準曰宜絕東宮之禁固

前趙錄作禁錮

薛悌字孝威漢末泰山太守時高堂隆方為諸生悌命為督
郵郡督軍與悌爭論名悌而呵之隆按劔敕督軍曰昔魯
定見侮仲尼歷階趙彈秦箏相如進缶臨臣名君義之所
討也督軍失色

魏志高
堂隆傳

王朗字景興漢末會稽太守問功曹虞翻以會稽人士翻舉
近時孝子句章董黯等數十人皆稱其名惟河內太守上
虞魏少英稱字

魏志

以少英名朗與府主同故避之也

諸葛亮字孔明瑯琊陽都人躬耕隴畝先主三往乃見情好
日密曰孤之有孔明猶魚之有水也後拜丞相病甚詔勅
後主曰汝與丞相從事事之如父

蜀

廣業案三古以還君

臣契合未有如季漢者其君知人善任其臣盡心竭忠嗣
王尊禮元臣異數有加觀昭烈拜丞相曰丞相亮是悉朕
意固名之也至建興六年復丞相詔首尾皆稱曰君贈謚
策亦然盖用不名之禮宋史職官志載有賜六其二曰詔
書不名其三曰贊拜不名歷朝史文於異姓之臣詔書不
名者僅見宋史吳越世家追封忠懿為秦國王冊云咨爾
安時鎮國崇文耀武宣德守道功臣武勝軍節度鄧州管
內觀察處置等使開府儀同三司守太師尚書令兼中書
令使持節鄧州諸軍事行鄧州刺史上柱國鄧王食邑九
萬七千戶食實封一萬六千九百戶賜劍履上殿詔書不

名錢儼是直以此四字入銜矣

附魏荀攸字公達魏初尚書令太祖每稱其字曰公達嘗謂

文帝曰荀公達人之師表也汝當盡禮敬之魏志廣業案魏

武奸雄牢籠豪傑往往字呼其臣屬如字文聘曰仲業許

攸曰子遠姜圭曰子伯之類攸本與魏武善後從袁紹于

冀州亡詣武帝帝問其來跡出迎之撫掌笑曰子遠卿來

吾事濟矣魏志武紀注俗刻誤傳注子後攸自恃勲勞

戲呼太祖小字竟坐是被收史言攸與姜圭皆以恃舊不

度見誅可不戒哉

薛夏字宣聲文帝黃初中秘書丞帝與推論書傳每呼之不

名而謂之薛君

魏志注

吳張昭字子布孫權時相張紘字子綱會稽東部都尉權於羣臣多呼其字惟呼昭曰張公紘曰東都所以重二人也權嘗謂昭曰吳國士人入宮則拜孤出宮則拜君孤之敬

君亦爲至矣顧雍字元歎權亦嘗呼爲顧公

吳志注

程晉字德謀破曹公於烏林又走曹仁拜裨將軍領江夏太

守先出諸將普最年長時人多呼程公

吳志

周泰字幼平仕權至裨將軍嘗與賊戰身被十二創吳志注引江表傳云權把其臂流涕交連字之曰幼平卿爲孤兄弟戰如熊虎不惜軀命被創數十膚如刻畫孤亦何心不

待卿以骨肉之恩委卿以兵馬之重乎又潘潘字承明爲
荊州治中從事權克荊州潘稱疾不見遣人與致之慰勞
與語呼其字曰承明昔觀丁父都得也武王以爲軍帥彭
仲爽申俘也文王以爲令尹此二人卿荊國之先賢也初
雖見囚後皆爲楚名臣卿獨不然將孤異於古人之量耶
又引魏畧云浩周字孔異沒于魏魏受禪詔使周致命與
權私宴謂權曰陛下未信王遣子入侍也周以闔門百口
保之權因字謂周曰浩孔異乃以百口保我我當何言耶
廣業案吳臣爲權所字者甚多史文不復區別見於江表
傳魏畧者如此史例不應字而字則書如蕭望之於朱雲

是也後來史家趨於簡易故皆畧之然實不可略也

晉

羊祜字叔子為荊州都督在南夏吳人說服稱曰羊公莫敢

名者

晉諸公

及卒有遺愛故荊州人為諱以戶為門晉書又

室之

戶皆

改戶曹為辭曹唐類獨異志云祜死荊州闔境

並不言祜字其有同音亦改諱之李義山祭張書記文峴

首奉辭曹之諱

南唐書戶曹亦曰板曹又曰念珠曹亦曰司法此未必因諱也

案羊公為景猷后同產弟而史不入外戚則以勲在社

稷非以戚畹進也後凡遇此其例並同

王濟字武子官至太僕先為尚書郎與侍中孔恂王恂楊濟

同列武帝顧謂諸公曰朕左右可謂恂恂濟濟矣

書

江統字應元武帝時遷中郎選司以統叔父春為宜春令統上疏曰故事父祖與官職同名皆得改選未有身與官職同名不在改選之例臣以為父祖改選者蓋為臣子開地不為祖父之身也而身名所加亦施於臣子佐吏係屬朝夕從事官位之號發言所稱若指實而語則違經典諱尊之義若諛詞避諱則為廢官擅犯憲制今以四海之廣職位之衆名號繁多士民殷富至使有受寵皇朝出身宰牧而令佐吏不得表其官稱子孫不得言其位號所以上嚴君父下為臣子體例不通若易私名以避官職則違春秋

不奪人親之義臣以為身名與官職同者宜與觸父祖名為比體例既合於義為宏朝廷從之晉書

案官同身名改選者止見於此其觸父祖者並詳親屬

張華字茂先范陽方城人惠帝朝司空領著作趙王倫反被

收死舊宅在今順天府固安縣有張華里萬歷中知縣胡

其俊審編之次重其姓諱更唱曰賢令則編張賢里畿輔通志

孔愉字敬康會稽人愍帝建興中封餘不亭侯後隱新安今

歙縣下瀛有孔愉墩兩水翼之亦名孔夫墩避愉諱也石

几書臺猶存又有孔靈村張佩芳歙縣志

王藻字茂宏本字茂宏元帝時丞相號為仲父世說注引王敦之

避改

鄒粲晉紀

亂導詣臺稽首待罪帝執其手曰茂宏方寄卿以百里之命是何言耶太興末詔奏事不名通鑑成帝幼冲見導每拜手詔則云惶恐言中書作詔曰敬問

殷康為吳興太守烏程縣有黃浦亭又名庚浦即康浦也康

為守百姓避其名改康為庚

宏治湖州府志

附後趙張賓字孟孫為石勒右長史大執法勒呼曰右侯而

不敢名

後趙錄

前涼祁嘉字孔賓張重華徵為儒林祭酒在朝卿士郡縣守

令彭和正等受業獨拜堂下者二千餘人天錫謂為先生

而不名之

前涼錄

蜀范長生有名德李雄徵詣成都執板延坐拜丞相尊之曰

范賢故又名賢尋加天地太師之號封西山侯蜀錄案顏

有蜀才註江南學士不知是何人王儉四部目錄題云王

姓范名長生自稱蜀才南方以晉渡江後北問傳記皆名

為偽書不責省請故不見也廣業案長生一名延久又名

九重一曰支字元

宋

王宏字休元嘉中進位太保始晉太元中賈弼撰百

家譜七百十二卷藏在秘閣宏及劉湛並好其書宏日對

千客不犯一人之諱南史王僧孺傳僧孺奉

梁

朱異字彥和年二十一以五經博士召見武帝使說孝經周

易義甚說之謂左右曰朱異實異後官侍中時何遜為尚書水部郎中與吳均俱進幸後積失意帝曰吳均不均何

遜不遜若吾有朱異則真異矣

梁書

任昉字彥昇小字阿堆武帝時新安太守昉好交結獎進士

時人慕之號曰任君猶漢之三君也

史補

何敬容字國禮大同中尚書令

梁書中書令

拙於草隸淺於學術

其署名敬字大作苟小為父容字大為父小為口

三字從梁書補

陸倕戲曰公家苟既奇大父亦不小敬容不能答

史補

案以名為戲其風始於魏晉至有斥人先諱以矜辨捷

者見門既與誤犯不同全與引避相背然且存之者知
戲之非益以見諱之為得也顧亦有性生拘忌驕蹇自
尊或易人姓名或加之罪責好事者故為矯枉則二者
之失又復相同酌錄雅馴用以示警

劉之遴字思貞弟之亨字嘉會相繼為南郡太守荆土懷之
不忍斥其名號為大南郡小南郡云梁書

宗如周以府僚隨蕭譽至度支尚書嘗有人訴事於如周謂
為經作如州官也謂曰某有屈滯故來訴如州官如周曰
爾何小人敢呼我名其人慙謝曰祇言如周官作如州官
不知如州官名如周早知如州官名如周則不敢呼如州

官作如周如周乃笑曰令卿自責見侮反深衆咸服其寬

雅

後周書 此後
梁人亦見北史

陳

蕭引字叔休宣帝時金吾侍郎引善隸書帝嘗披奏事指引

署名曰此字筆勢翩、似鳥之欲飛引謝曰此乃陛下假

其羽毛耳

陳書

後魏

袁式字季祖在南歷武陵王遵諮議參軍入魏與司徒崔浩

一面便盡國士之義時人敬重之呼曰袁諮議

魏書

李崇爲馮跋吏部尚書延和初率十餘郡來降太武甚禮之

呼曰李公以為北幽州刺史

魏書

高允字伯恭為中書令文成常不名之呼為令公令公之號播於四遠

北史

李冲字思順孝文初中書令封隴西公時循舊制王公重臣皆呼名孝文謂冲為中書而不名

北史

崔挺字雙根光州刺史後為北海王詳司馬詳未嘗呼名嘗稱州號以示優禮

北史

魏收字百起小字佛助外兄崔巖嘗以雙聲嘲收曰愚魏衰收收答曰顏巖腥瘦是誰所生羊頭狗類頭團鼻平飯房

令籠著孔朝叮

魏書

北齊

趙彥深以字行武平間仕至司徒自皇建以還禮遇稍重每

引見或升御榻呼官號而不名

北齊書

張稷字公喬永明中為豫章王嶷主簿與劉繪俱見禮接未

嘗呼名呼為劉四張五

北齊書

盧元明字幼章戲徐之才曰卿姓是未入人名是子之誤之

當為子也即答云卿姓安亡為虛在邱為虛生男為虜配

馬為驢

北齊書北史止此

名去頭為元出頸為元減丰為元日變

聲是元盲元明亦無以對

庫狄干不知書署名為干字逆上畫之時人謂之穿雖又武

將王周者署名先為吉而後成其外北齊書又斛律金不識
文字本名敦苦其難署改名為金猶以為難司馬子如教
為金字作屋況之其字乃就北史

後周

伊婁穆字奴干太祖以其姓伊賜名尹累官大都督通直散
騎常侍常入白事太祖望見悅之字之曰奴干作儀同面
見我矣於是拜車騎大將軍儀同三司封安陽縣伯後周書
廣業案此非常禮故史文如此其例已見於前矣史通譏
其擬漢書李陵字任立政曰少公致文有重複非也後周
書李祐傳祐從太祖戰於河橋戰不利太祖已還見祐至

字之曰承先爾來吾無憂矣文法與伊婁穆傳正同

長孫儉初名慶明太祖以其志安貧素改焉

後同書

庾開府集

周柱國大將軍長孫儉神道碑云以公識度嚴明志節清
儉遂改名儉字慶明非闕書月詎待看碑幸得于茲不同
二山無廢